




**Tadbirkorlik subyektlarini kuzatuv bo‘limi to‘g‘risida
NIZOM**

I-bob. Umumiy qoidalar

1. Mazkur Nizom Samarqand viloyat statistika boshqarmasining Tadbirkorlik subyektlarini kuzatuv bo‘limi (keyingi o‘rinlarda Bo‘lim deb ataladi) maqomi, asosiy vazifalari va funksiyalari huquq va majburiyatlari, shuningdek, uning faoliyatini tashkil etish tartibini belgilaydi.

2. Milliy statistika qo‘mitasining O‘zbekiston Respublikasi Prezidentining 2025-yil 24-fevraldagi PQ-75-sonli qarori “O‘zbekiston Respublikasi Milliy statistika qo‘mitasi faoliyatini tashkil etish chora-tadbirlari to‘g‘risida”gi hamda O‘zbekiston Respublikasi Prezidentining 2025-yil 24-fevraldagi PQ-27-sonli qarori “Statistika ishlarini tashkil etish va yuritish tizimini yangi bosqichga olib chiqish bo‘yicha qo‘shimcha chora-tadbirlar to‘g‘risida”gi belgilangan vazifalarni bajaruvchi va Samarqand viloyat statistika boshqarmasining (keyingi o‘rinlarda Boshqarma deb ataladi) tarkibiy bo‘linmasi hisoblanadi.

3. Bo‘lim o‘z faoliyatida O‘zbekiston Respublikasi Konstitutsiyasiga, O‘zbekiston Respublikasining “Davlat statistikasi to‘g‘risida”gi qonuni va boshqa qonunlariga, Oliy Majlisning normativ qarorlariga, O‘zbekiston Respublikasi Prezidenti farmonlari, qarorlari va farmoyishlariga, Vazirlar Mahkamasi qarorlari va farmoyishlariga, “O‘zbekiston Respublikasi Milliy statistika qo‘mitasi va Samarqand viloyat statistika boshqarmasi to‘g‘risida”gi Nizomlarga, hamda mazkur Nizomga, shuningdek boshqa qonun hujjatlariga amal qiladi.

4. Bo‘lim Tadbirkorlik subyektlarini kuzatuv ishlarini tashkil etish sohasida rivojlanishning milliy va mintaqaviy xususiyatlarini hisobga olgan holda ilmiy metodologiyaga, xalqaro standartlar va qoidalarga asoslangan, davlat hokimiyati va boshqaruv organlari, xo‘jalik yurituvchi subyektlar, fuqarolar va tashkilotlarning rasmiy statistika axborotlariga bo‘lgan ehtiyojini qondiruvchi axborot-statistika tizimining samarali faoliyat ko‘rsatishini ta‘minlashga yo‘naltirilgan.

5. Bo‘lim o‘z faoliyatini boshliq va o‘rinbosarlar rahbarligida amalga oshiradi, bir vaqtning o‘zida uning faoliyati qo‘mitaning Tadbirkorlik subyektlarini

kuzatuv boshqarmasi tomonidan muvofiqlashtiriladi va boshqarmaning boshqa tarkibiy bo'linmalari va tumanlar va shaharlar statistika bo'limlari (keyingi o'rinlarda hududiy statistika organlari deb ataladi) bilan o'zaro hamkorlikda amalga oshiradi.

II-bob. Bo'limning asosiy vazifalari va funksiyalari

6. Quyidagilar bo'limning asosiy vazifalari hisoblanadi:

a) Tadbirkorlik subyektlarini kuzatuv sohasida yagona siyosatni ishlab chiqish va amalga oshirish, statistikani tashkil etishning samarali tizimini ta'minlash, shuningdek faoliyatni muvofiqlashtirish va funksional tartibga solish sohasida:

Tadbirkorlik subyektlarini kuzatuv ma'lumotlarini Milliy statistika qo'mitasi ishlari dasturida belgilangan ishlar va muddatlarda yig'ish, qayta ishlash, saqlash, umumlashtirish, tahlil qilish va etkazib berish tizimini takomillashtirish;

Milliy statistika qo'mitasi ishlari dasturining Tadbirkorlik subyektlarini kuzatuvga oid qismi bo'yicha takliflar ishlab chiqish va taqdim etish;

Tadbirkorlik subyektlarini kuzatuv sohasi bo'yicha tahliliy salohiyatni mustahkamlash, Milliy statistika qo'mitasi ishlari dasturining mazmunini doimiy ravishda takomillashtirish, uning mamlakat va hududlarning ijtimoiy-iqtisodiy rivojlanishi, tarkibiy va bozor islohotlari, iqtisodiyoti tarmoqlari va sektorlarida islohotlarning borishini tavsiflovchi tegishli maqsadli ko'rsatkichlar bilan o'zaro bog'liqligini oshirish bo'yicha zarur choralarni ko'rish;

Tadbirkorlik subyektlarini kuzatuv axborotlarini shakllantirish masalalari bo'yicha xududiy organlar faoliyatini muvofiqlashtirish.

b) xalqaro standartlarga muvofiq bo'lgan Tadbirkorlik subyektlarini kuzatuv metodologiyasini hamda Milliy statistika qo'mitasi kuzatuvlari shakllarini ishlab chiqish, tasdiqlash va joriy etish sohasida:

makroiqtisodiy, tarmoq va hududiy darajalarda o'rganilayotgan ijtimoiy-iqtisodiy jarayonlarning qamrovini kengaytirishga qaratilgan Tadbirkorlik subyektlarini kuzatuv ma'lumotlarini yig'ish va qayta ishlash bo'yicha qabul qilingan uslubiy hujjatlarni zamonaviy metodologiyasini amaliyotda qo'llanishini ta'minlash;

Tadbirkorlik subyektlarini kuzatuv sohasida xolis, sifatli va dolzarb hisobot ma'lumotlarini tayyorlashni muvofiqlashtirishda ishtirok etish;

xududiy statistika organlari va boshqarmaning tarmoq bo'limlari bilan hamkorlikda Tadbirkorlik subyektlarini kuzatuv sohasiga oid Milliy statistika

qo'mitasi kuzatuvlarini yagona statistika metodologiyasini ishlab chiqish yuzasida boshqarma rahbariyati orqali qo'mitaga taklif kiritish.

v)) *ijtimoiy-iqtisodiy hodisalar, jarayonlar va ularning natijalari to'g'risidagi statistik axborotlarni yig'ish, qayta ishlash, to'plash, saqlash, umumlashtirish, tahlil qilish va e'lon qilish sohasida:*

Milliy statistika qo'mitasi ishlari dasturining Tadbirkorlik subyektlarini kuzatuvga oid qismini bajarilishini ta'minlash;

Tadbirkorlik subyektlarini kuzatuv sohasiga oid Milliy statistika qo'mitasi hisobotlarini elektron ko'rinishda, zarur hollarda qog'oz ko'rinishida yig'ishni va boshqa kuzatuvlarni tashkil etish;

Tadbirkorlik subyektlarini kuzatuv bo'yicha statistik ko'rsatkichlarning statistik hisob-kitoblarini amalga oshirish hamda dastlabki statistik tahlilini olib borish;

Tadbirkorlik subyektlarini kuzatuv bo'yicha statistik hisobot ko'rsatkichlarining va o'tkazilgan tanlanma kuzatuvlar natijalarining tezkorligi, ishonchliligi va xolisligini, statistik axborotlarning qulayligi, ochiq-oydinligi va oshkoraligini kengaytirish bo'yicha chora-tadbirlarning amalga oshirilishini ta'minlash;

xo'jalik yurituvchi subyektlarga Tadbirkorlik subyektlarini kuzatuv, tashqi iqtisodiy faoliyat va savdo statistikasiga oid Milliy statistika qo'mitasi hisoboti ko'rsatkichlarini ishonchli taqdim etishda har tomonlama ko'maklashish;

Tadbirkorlik subyektlarini kuzatuv bo'yicha axborot-statistik ma'lumotlar bazasini shakllantirish, yuritish va yangilab borishni amalga oshirish, foydalanuvchilarga ulardan foydalanishga doir tushuntirishlar berish;

olingan statistika ma'lumotlarining maxfiyligini, birlamchi hisobot ma'lumotlaridan yuridik shaxslarning faoliyatini, boshqa xususiyatlarini yoki miqdor ko'rsatkichlarini rasmiy tasdiqlash maqsadida foydalanishga yo'l qo'ymaslikni, davlat sirlariga ega bo'lgan statistika ma'lumotlarining himoya qilinishini ta'minlash;

qonunchilikka muvofiq, bo'lim ish faoliyati jarayonida vujudga kelgan arxiv hujjatlarini saralash, saqlash, hisobga olish va ulardan foydalanish bo'yicha ishlarni amalga oshirish;

Tadbirkorlik subyektlarini kuzatuv sohasiga oid maxfiy statistik ma'lumotlarni o'z ichiga olgan axborotlarni saqlash va himoyalashning tegishli tartibini ta'minlash.

g) belgilangan tartibda davlat organlari, yuridik shaxslar, xalqaro tashkilotlar va aholini Tadbirkorlik subyektlarini kuzatuvga oid ma'lumotlar bilan ta'minlash sohasida:

Tadbirkorlik subyektlarini kuzatuv bo'yicha ochiq statistik ma'lumotlarni Milliy statistika qo'mitasi organlari, boshqa davlat organlari, xalqaro tashkilotlar nashrlarida joylashtirish uchun va barcha foydalanuvchilarga statistik ma'lumlardan foydalanish uchun teng imkoniyatlar yaratilishini ta'minlash;

ommaviy axborot vositalarida joylashtirish uchun Tadbirkorlik subyektlarini kuzatuv sohasida yuz berayotgan o'zgarishlarni ifodalovchi tahliliy ma'lumotlar, diagrammalar, grafiklar tayyorlash;

Tadbirkorlik subyektlarini kuzatuvga oid statistik kuzatuvlar va rasmiy statistik ma'lumotlarni tarqatish bo'yicha tashkil etiladigan axborot-tushuntirish ishlarida ishtirok etish.

7. Bo'lim o'z zimmasiga yuklangan vazifalarni bajarish uchun quyidagi funksiyalarni amalga oshiradi:

Milliy statistika qo'mitasi tizimida axborot-kommunikatsiya texnologiyalarini rivojlantirish, foydalanuvchilarning viloyatda Tadbirkorlik subyektlarini kuzatuv sohasini to'liq ochib beruvchi ko'rsatkichlardan erkin foydalanishlarini ta'minlaydi;

zamonaviy axborot texnologiyalaridan foydalangan holda, Tadbirkorlik subyektlarini kuzatuv sohasi bo'yicha asosiy statistik ko'rsatkichlarning takomillashtirilgan ma'lumotlar bazasining yaratilishi va yuritilishini, uning muntazam ravishda to'ldirilib va yangilanib borilishini ta'minlaydi;

Tadbirkorlik subyektlarini kuzatuv sohasi metodologiyasi, statistik ishlarni tashkil etish va ularni bajarish masalalari bo'yicha hududiy statistika organlariga amaliy yordam ko'rsatadi;

Milliy statistika qo'mitasi ishlari dasturiga muvofiq, rahbariyatni topshirig'iga asosan Tadbirkorlik subyektlarini kuzatuv bo'yicha ma'lumotlar tayyorlaydi;

Bo'lim o'ziga yuklatilgan vazifalar va funksiyalarni to'liq, o'z vaqtida va sifatli bajarilishini O'zbekiston Respublikasi Prezidenti va Vazirlar Mahkamasi tomonidan belgilangan iqtisodiyotning eng muxim ustivor yo'nalishlarini, O'zbekiston Respublikasini yanada rivojlantirish bo'yicha Harakatlar strategiyasini, iqtisodiy islohotlarni yanada chuqurlashtirish, tarkibiy o'zgartirish va diversifikatsiya qilish bo'yicha ishlab chiqilgan dasturlarda belgilangan vazifalarni hamda mamlakatdagi ijtimoiy va iqtisodiy rivojlanishning tendensiyasini (holatini) hisobga olgan holda ta'minlaydi.

Bo'lim belgilangan tartibda o'ziga yuklangan boshqa funksiyalarni ham bajaradi.

III-bob. Bo'limning huquqlari va javobgarligi

8. Bo'lim o'ziga yuklangan vazifalar va funksiyalarni bajarish uchun quyidagi huquqlarga ega:

Tadbirkorlik subyektlarini kuzatuv sohasiga oid Milliy statistika qo'mitasi kuzatuv shakllarini o'zgartirish va ularni taqdim etish tartibi, Milliy statistika qo'mitasi kuzatuvlarini o'tkazish usullari, davlat va xo'jalik boshqaruvi organlarining idoraviy statistik kuzatuv shakllari bo'yicha takliflar berish;

statistika maqsadlarida yuridik va jismoniy shaxslardan, fuqarolarning o'zini o'zi boshqarish organlari hamda mulkchilik shaklidan qat'iy nazar boshqa xo'jalik yurituvchi subyektlardan belgilangan tartibda davlat statistika hisobotini olish hamda undan statistika maqsadlarida foydalanish;

Tadbirkorlik subyektlarini kuzatuv bo'yicha yuridik va jismoniy shaxslarning, shu jumladan, xususiy tadbirkorlar faoliyatining davlat statistika kuzatuvlarini olib borish va olingan ma'lumotlardan statistika maqsadlarida foydalanish;

bo'limga yuklangan vazifalar, funksiyalar va statistik ishlarni bajarish maqsadida davlat va xo'jalik yurituvchi subyektlardan, tashkilotlardan belgilangan tartibda ma'lumot va tushuntirishlar olish;

Tadbirkorlik subyektlarini kuzatuv sohasiga oid metodik, statistik ishlar va rasmiy statistik ma'lumotlar yuzasidan axborot-tushuntirish ishlarini olib borish;

qabul qilib olinayotgan statistik ma'lumotlarning to'liqliligi, ishonchliligi va xolisligini ko'rib chiqish;

Milliy statistika qo'mitasi ma'lumotlarida buzilishlar aniqlangan taqdirda, ularni bartaraf etish va davlat statistika ma'lumotlariga tegishli tuzatishlar kiritish;

Tadbirkorlik subyektlarini kuzatuv kuzatuvlarini tashkil etish va metodologiyasini takomillashtirish bo'yicha rahbariyatlarga takliflar kiritish;

Milliy statistika qo'mitasi ishlari dasturi, Milliy statistika qo'mitasi ishlarini ishlab chikarish dasturi, Milliy statistika qo'mitasi ishlari ish rejalari, bo'lim ish rejasining tuzilishi va mazmuni bo'yicha viloyat statistikasi boshqarmasi rahbariyatiga takliflar kiritish;

Bo'lim vakolatiga kiradigan masalalar bo'yicha boshqarma va tashkilot vakillari

va boshqarmaning bo'limlari bilan hamkorlik qilish;

Bo'lim qonun hujjatlariga muvofiq boshqa huquqlarga ega bo'lishi mumkin.

9. Bo'lim quyidagilar uchun javobgar:

o'ziga yuklangan vazifalarni samarali va lozim darajada bajarish;

vakolatiga kiruvchi tahliliy va boshqa materiallarni yuqori darajada tayyorlash;

Milliy statistika qo'mitasi prinsiplariga amal qilish, ilg'or xalqaro amaliyotga muvofiq foydalanilayotgan usullar va metodikalarni doimiy ravishda takomillashtirish;

Bo'lim xodimlari tomonidan belgilangan normativ-huquqiy hujjatlarga muvofiq ijro intizomini ta'minlash.

IV-bob. Bo'lim faoliyatini tashkil etish

10. Bo'lim faoliyati O'zbekiston Respublikasining "Milliy statistika qo'mitasi to'g'risida"gi qonuni, Vazirlar Mahkamasi tomonidan tasdiqlanadigan Milliy statistika qo'mitasi ishlari dasturi, Milliy statistika qo'mitasi tomonidan tasdiqlanadigan Milliy statistika qo'mitasi ishlarini ishlab chiqish dasturi, mazkur Nizom, Boshqarma boshlig'ining buyruqlari va topshiriqlariga muvofiq, shuningdek Samarqand viloyat statistika boshqarmasining ish rejalari va bo'lim xodimlarining funksional vazifalari asosida tashkil etiladi.

Bo'lim xodimlarining lavozim vazifalari bo'lim boshlig'i tomonidan tuzilib boshqarma boshlig'ining o'rinbosari bilan kelishiladi hamda boshqarma boshlig'i tomonidan tasdiqlanadi.

11. Bo'lim boshlig'i qo'yidagi huquqlarga ega:

Bo'lim xodimlari o'rtasida vazifalarni taqsimlash;

Belgilangan tartibda boshqarma rahbariyati yig'ilishlariga qatnashadi;

Xodimlarni boshqa lavozimlarga ko'rsatish, o'tkazish va rag'batlantirish, zarur hollarda jazolash chorasini qo'llash to'g'risida Boshqarma boshlig'i va uning o'rinbosarlariga takliflar kiritish;

Bo'lim xodimlarining lavozim maoshlariga ustamalar belgilash, shuningdek avvalgi o'rnatilgan ustamalarni kamaytirish yoki bekor qilish bo'yicha Boshqarma boshlig'i va uning o'rinbosarlariga takliflar kiritish;

Boshqarma boshlig'i bilan birga bo'lim faoliyatini takomillashtirish, bo'lim ishlarining samaradorligi darajasini oshirish, ish uslubi va metodlarini, uni tashkil qilishni yaxshilash, hisobot, ijro va mehnat intizomini mustahkamlash bo'yicha chora-tadbirlarni amalga oshiradi;